

Soga - Agape Ebyaghandiikibwa - God's Love Letter Scriptures

Yoanne 15:9 Nga Lata bw'angonza, zeena bwe mbagonza. Mwekalangulire mu mukwano gwange.

Isaia 43:1 Aye mpegaano iwe Israeli, Musengwa Katonda eyakutonda akoba ati: “Otatya, kuba ndidha kukununula. Era namala irala okukweta eriina lyo, buti oli wange.

Yeremia 1:5 “Nakulonda nga nkaali na kukuwumba mu nda ya inhoko. Era wali okaali kuzaalibwa naakutukuza naakulonda obe mulanzi eri amaghanga.”

Yoanne 15:16 Ti niimwe abaanonda aye ninze eyabalonda era naabataagho okuja okwama ebibala, ebibala ebitawaagho. Era Lata anaabaghanga kyonakyona kye munaasabanga mu liina lyange.

3 Yoanne 1:2 Mukagwa, nkusabira byonabyona bikujiire bukalamu era obe mulamu mu mubiri nga bw'oli mu mwoyo.

Isaia 43:4 Ndighaayo abantu kamaala olw'okukuzaawula, era naaghaayo amaghanga mangi ku lw'obulamu bwo; kuba nkugonza inho era nkutwala ng'oli wa mughendo era wa kitibwa ye ndi.

Yeremia 31:3 nze nababonekera nga ndi ghala okuva ghe baali. Imwe Abaisraeli, nze nava ira nga mbagonza, era ndidha kweyongeranga okubagonza obutalekera.

Hosea 11:8 Abaisraeli nsobola ntya okubaghaayo? Nsobola ntya okubalekulira agho? Nsobola ntya okubazikiriza ng'oti bwe nakola Adama? Nsobola ntya okubabisa ng'oti bwe nabisa Zeboiimu? Omwoyo gwange tigunganha kukikola; kuba mbagonza inho ebitloodheka.

Yoanne 3:16 Atyo Katonda bwe yagonza abantu ab'oku nsi, yaaghaayo Omwana we omulala bedengedenge kiisi amwikiriza alobe kuzikirira aye afune obulamu obutawaagho.

Isaia 49:15,16 Musengwa Katonda oyo yaabairamu ati: Omukazi asobola okwerabira omwana we ayonka, yaaloba kugemerwa kisa mwana we oyo ye yazaala? Aye waire ng'omukazi asobola okwerabira, nze tiribeerabira naire. 16 Bona eno iwe ekibuga Yerusalem, nkoze ekifaananie kyo mu ngalo dchange, era ebisenge byo mbibona n'amaiso gange buli kaseera.

Isaia 41:13 Nze Musengwa Katonda wo ninze nkugha amaani, era ninze ndi kukukoba nti, ‘Otatya, ndidha kuyamba.’

Matayo 28:20 nga mubeegeresa okugema byonabyona bye nabalagira, era mwidhukire nga nze ndi n'imwe enaku dhoonadhoona okutuusa ku

nkomerero ey'ensi."

Yoanne 14:1 Yesu yaabakoba ati: "Mutabanga beeraliikirivu mu myoyo gyaimwe. Mwikirize Katonda, zeena mundhikirize.

Isaia 41:14 Musengwa Katonda Omununuzi wo era Omutukuvu wo, iwe Israeli ninze nkoba ati: Otatya, waire ng'oli mugoogombe era omunafu ng'oti lugereegere. Nze ndidha kukuyamba.

Isaia 43:2 Bw'olibita mu maadhi agenda okukumira, ndiba ghalala n'iwe. Ni bwe galiba ag'emiiga tigalikweyaagho. Ni bw'olibita mu muliro tigulikwokya, ezira kabi kalikutuukaku;

Zabbuli 23:1-6 Musengwa Katonda n'omwayi, nze ndi ntaama ye era nzira kye ndhulirira. 2 Aghali eisubi eirungi, gh'andeka okuwuumulira, era antwala aghali amaadhi amalaavu. 3 Omwoyo gwange agwizaamu amaani, yambisa mu ngira edh'obutuufu, nga bwe yasuubiza. 4 Era ni bwemba nga ndi kutambulira mu kikonko ekiidhwire enzikiiza etiisa ng'oti kufa, ezira kibi kye ntyamu, kuba iwe oli ninze. Mpulira emiraala bw'oba ng'ogemye omwigo gwo ogunkuma, era ng'ogemye n'ogwo ogundholeka engira. 5 Ontegekera embaga wantyamya, ng'abazigu bange babona. Wanfuula omugen iow'ekitiisa ng'onsiiga omuzigo ogw'akawoowo, wampa eby'okunhwa okutuusa ku nkooye. 6 Bwenebwene olw'okungonza kwo n'olw'okunsaasira kwo, oidha kubanga ghalala ninze, enaku dhoonadhoona edh'obulamu bwange. Era nga nkaagheeragho tija kuvanga mu ndhu ya Musengwa Katonda.

Yoanne 14:27 "Mbalekeire emiraala, emiraala gyange gyene gye mbaghaire ate tigibaghaire ng'ensi bw'egigaba. Muteeraliikirira mu myoyo gyaimwe waire okutya.

Ab'e Filippi 4:7 Era n'emiraala gya Katonda egiswikiriire okumanha kwonakwona gikuumi emyoyo n'amagezi gaimwe mu Kurisito Yesu.

Ensambo 3:24 Bw'onalaalamaalanga tighaabengagho kikutiisa, era bw'onaatendukanga oidha kuwomerwanga endoolo dho.

Zabbuli 4:8 Bwe nambaala, ntenduka n'emiraala, kuba niiwe Musengwa Katonda wenka onkuma obukalamu, ni ghabula akantuukaku naire.

Zabbuli 33:18 Bona eno, Musengwa Katonda alabirira abo abamutya, era abo abasuubirira mu kugonza kwe okutakoma

Ab'e Roma 5:2 Ku lulwe twafuna okusaasirwa kwa Katonda kuno kwe tulimu, era tusagamba nga twesunga okugabana ku kitisa kya Katonda.

Isaia 55:12 Muliva mu Babiloni nga muli basangaavu; mwavaayo mwatwalibwa nga muli mu miraala. Ensozi n'obusozi biritimbuka byayemba, n'emiti gyonagyona gyasangaala gyakuba mu ngalo.

Yoanne 16:22 Mperaano mwena muwulira, enaku aye ndidha kabiri kubabona era emyoyo gyaimwe gisagambe. Era okusagamba okwo

ghazira muntu yeenayeena alikubatoolaku.

Luka 12:9 ate oyo aneegaana mu maiso ag'abantu yeena alyegaanibwa mu maiso ga bamalaika ba Katonda.

Matayo 10:30 Aye imwe n'enviiri edh'oku mitwe gyaimwe dhoonadhoona mbale.

Isaia 54:10 Ensozi dhisobola okuvaagho, n'obusozi bwawaagho. Aye nze okugonza kwe nkugonzaamu tikuja kuvaagho, n'endagaano ey'emiraala ye nakola n'iwe teja kukoma." Atyo bw'akoba Musengwa Katonda oyo akugemerwa ekivunika.

Matayo 11:28-30 "Mwidhe ye ndi imwe mwenamwena abadaaga n'abali n'ebibavuna, ndidha kubawumuza. 29 Mubbeede ekikoligo kyange, era mundhegerek kuba nze ndi muwombeefu era tyegulumiza agho emyoyo gyaimwe giribatereera 30 kuba ekikoligo kyange kyangu, n'omugugu gwange mugheghere."

Olwembo Olusinga mu Nhemb 2:10 Agho omugonzi wange yaayogera, yankoba ati: "Omugonzi wange, situka. Omulungi wange, idha tuje.

Hosea 2:14,19,20 Kale ni bona eno, ndimulembereza naamutwala mu irungu, naayogera naye mu kugonza okungi. 19 Iwe Israeli, nze ndikwandhula waaba mukazi wange ebyanda n'ebayanda. Ndiba wa mazima era omutuufu y'oli, era ndikugonza n'ekisa obutalekera. 20 Ndiba mwesigwa y'oli, era olwo olimanha nga ninze Musengwa Katonda.

Okuva 3:14 Katonda yaamwiramu ati: "NDI OYO ALIGHO. Ekyo ky'obe oje okobe Abaisraeli otu, 'NDI antumye ye muli.' "

Hosea 13:4 Musengwa Katonda akoba ati: "Ninze Musengwa Katonda waimwe eyabatola mu nsi Misiri. Muzira Katonda wundi okutoolaku nze. Era muzira mulokozi wundi okutoolaku nze.

Yoanne 15:14 Bwe mukola bye mbalagira muba bakagwa bange.

Yoanne 14:6 Yesu yaamwiramu ati: "Ninze engira, ninze amazima, era ninze obulamu. Ezira atuuka ye Lata okutoolaku ng'abise mu nze.

Okwolekebwa 3:20 Ndi ku Iwigi nhemereire, nkonkona. Awulira amamiro gange n'aigulagho olwigi, ndingira omumwe naalya naye.